



Nakon sravnjanja sa izvornim tekstom utvrđeno je da se u Zakonu o policijskim službenicima Brčko distrikta BiH, objavljenom u („Službenom glasniku Brčko distrikta BiH“, broj 41 od 31. prosinca 2007. godine), potkrale tehničke greška. Sukladno odredbi članka 84 Poslovnika Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 11/03), Stručna služba Skupštine daje

I S P R A V A K **ZAKONA O POLICIJSKIM SLUŽBENICIMA** **BRČKO DISTRIKTA BOSNE I HERCEGOVINE**

U članku 72 Zakona o policijskim službenicima i namještenicima Brčko distrikta BiH („Službeni glasnik Brčko distrikta BiH“ broj 41/07) na sva tri jezika naslov članka 72 umjesto dosadašnjeg „Privremeni premještaj unutar Policije“ treba da glasi „Interni premještaj“

U članku 118 stavak 1 Zakona o policijskim službenicima Brčko distrikta Bosne i Hercegovine, (Službeni glasnik Brčko distrikta BiH, broj 41/07) na srpskom jeziku došlo je do štamparske greške u numeraciji tačaka tako da tekst članka 118. stava 1 na srpskom jeziku treba da glasi:

- (1) Teže povrede službene dužnosti su:
- a) neizvršavanje, nesavjesno, neblagovremeno ili nepažljivo izvršavanje službenih zadataka, ukoliko je nastupila teža posljedica;
 - b) izbjegavanje obaveza vezanih za profesionalnu obuku i usavršavanje;
 - c) neopravdano odsustvo s dužnosti u trajanju od dva uzastopna dana;
 - d) neovlašćeno korišćenje sredstava povjerenih radi izvršavanja zadataka i dužnosti;
 - e) vršenje aktivnosti koje su nespojive sa službenim dužnostima iz člana 50 Zakona;
 - f) ponašanje koje onemogućava, ometa ili otežava izvršavanje službenih zadataka drugim zaposlenima Policije;
 - g) nepružanje stručne pomoći građanima u ostvarivanju njihovih zakonskih prava;
 - h) ponašanje koje narušava ugled Policije;
 - i) nepreduzimanje ili nedovoljno preduzimanje mjera u okviru vlastitih dužnosti neophodnih za obezbjeđivanje objekata, lica i povjerenih sredstava i stvari, ukoliko je nastupila teža posljedica;
 - j) sprečavanje građana ili pravnih lica u ostvarivanju njihovih prava pri podnošenju zahtjeva, žalbi, pritužbi, molbi i drugih podnesaka, ili neodlučivanje po tim podnescima u zakonskom roku;
 - k) nepružanje pomoći drugom policijskom službeniku koji traži pomoć kada mu je pomoć neophodna za izvršavanje njegovih službenih zadataka;
 - l) prikrivanje činjenica o načinu izvršavanja službenih radnji ili upotrebi sile od drugog policijskog službenika koji je načinom izvršenja službene radnje ili upotrebom sile učinio težu povredu službene dužnosti;
 - m) činjenje ili nečinjenje koje vodi otkrivanju tajnih podataka;
 - n) samovoljno napuštanje dužnosti ili mjesta čuvanja određenog objekta ili lica koje može imati štetne posljedice za Policiju;
 - o) dolazak na posao pod uticajem alkohola ili narkotika, ili njihovo konzumiranje u toku radnog

- vremena;
- p) sprečavanje, izbjegavanje, ometanje ili na drugi način odgađanje sprovođenja internih ili disciplinskih postupaka;
 - q) narušavanje javnog reda i mira kojim se narušava ugled Policije, bez obzira na vrijeme i mjesto događaja;
 - r) davanje netačnih podataka koji utiču na donošenje odluka nadležnih organa ili izazivaju druge štetne posljedice;
 - s) neopravdano odsustvo s dužnosti tri ili četiri uzastopna dana ili najmanje pet dana s prekidima u toku jedne kalendarske godine;
 - t) zloupotreba bolovanja;
 - u) upotreba sile u suprotnosti sa ovim zakonom;
 - v) zloupotreba službenog položaja;
 - w) odbijanje izvršavanja zakonitih naredbi izdatih u svrhu izvršavanja službenih zadataka i dužnosti;
 - x) učestvovanje u političkim aktivnostima koje nisu u skladu sa službom policijskog službenika, bilo za vrijeme ili van dužnosti;
 - y) vršenje diskriminacije pri vršenju dužnosti na osnovu: rase, boje kože, pola, jezika, religije, političkog ili drugog opredjeljenja, nacionalnog ili socijalnog porijekla ili po bilo kom drugom osnovu.

Broj: 0-02-022-148/07-1
Brčko, 5. ožujak 2008. godine

STRUČNA SLUŽBA SKUPŠTINE